

■ GLOSSA

Sentiments da primavaira

DA BRUNO BLOGG

Finalmain primavaira ed ils sentiments svegliads da quella stagiun sa fan valair, finalmain. Nagut da stancladad e da straccadads, cuntrari. En mai, strusch èn ils dis in pau pli lungs, crescha in desideri. Gea, jau concedel, in regl schizunt e jau na pos betg resister a mias quaidas. Mia primavaira cumenza dentant gia il mais mars. Onn per onn cun ina excursiun da pelegrinadi al salon dad autos a Geneva.

Nagut po fascinar mai ndapli che las pli novas concepziuns da sturs numnadas auto mobil. Gia da lunsch carmalan las colurs pulidas e gugent suonda mes maun las radundezzas da la carossaria. Dentant ruaussa l'egl sin ils giavegls dad alu da ladezia speziala e surtratgs dad in finezza pneu. Tgai sentiment d'astgar pussar en in sez luxerius da tgirom avant la pli moderna indicaziun electronica. Betg in moviment na registrà ed inditgà digitalmain, muments da siemiar. E pir ils detagls, sco per exempel ils dus sbufs surcromads, perditgas dad ina enorma forza mo-

torica, da nulla sin tschient en parts da secundas. Sulet mia ex dunna era pli svelta da nulla sin tschient. Enaquella ch'ella stgarpitschava sur mias soccas tschuffas parcadas entamez l'abitaziun.

Mai vai jau chapì daco Mì vegn plazza avant ils novs automobils giuvnas dunnas cun rassas curtas è high heels. Per ellas s'interessescha numnadamain nagin, l'erotica dal sturs carmala. Mia ex dunna ha gì accumpagnà mai duas trais giadas a Geneva ed ella è sa grittentada pervia da las dunnas decorativas. «Pertgè pomai na posteschan quels margadants dad autos betg in rassig um sper ils automobils. In che sumeglia Hugh Grant u Brad Pitt u uschiglio in dals bels da Hollywood. La finfinala decida la dunna tge auto cumprar.»

Dentant hai jau cumprà in vehichel nov. Il vendider ha discurre dad interessantas cundiziuns da tschains. Bain savend ch'ils credits privats han ruinà bunamain l'entira economia americana includ l'europaica, jau hai

cumprà in auto a credit, in vehichel emplenì cun la pli nova tecnica. Per exempel èsi pussaivel da charrar enavos senza guardar enavos. Simplamain spetgar sin il tun da l'indicatur che reagescha sin impediments. Cun charrar enavos l'emprima giada hai udì in tun. Betg quel da l'indicatur, dentant quel dad ina collisiun. Il garaschist ha ditg pli tard che jau avessi sulet stuì debloccar l'indicatur.

Turnà a chasa sun charrà en garascha ed hai vulì sortir da l'auto. Nunpussaivel da pudair avrir la porta. Malgrà tuttas emprovas, la porta è stada bloccada. Jau hai stuì telefonar a mia ex dunna. Duas uras ha ella laschà spetgar mai en l'auto. Il garaschist ha ditg pli tard che jau avessi sulet stuì smatgar il pedal ed alura fissia la porta s'averta.

Mia sventira n'è betg stada terminada quel di. En chasa sun stgarpitschà sur las soccas tschuffas da mes figl gist parcadas entamez l'abitaziun. Da nulla sin tschient en milliavlas da secundas. La primavaira è prest a fin.